



Տնտեսական Չարգացման և Հետազոտությունների Կենտրոն

Հայաստանի Հանրապետության ղեկավար մարմինները



**ՀՀ
Նախագահ**

**Օրենսդիր
իշխանություն**

**Գործադիր
իշխանություն**

**Դատական
իշխանություն**

ՀՀ Նախագահը

Հանրապետության Նախագահը պետության գլուխն է:
Նախագահը հետևում է Սահամանադրության պահպանմանը, ապահովում է օրենսդիր, գործադիր և դատական իշխանությունների բնականոն գործունեությունը:
Հանրապետության Նախագահը ՀՀ անկախության, տարածքային ամբողջականության և անվտանգության երաշխավորն է:

Նախագահը զինված ուժերի գերագույն գլխավոր հրամանատարն է:
Հանրապետության Նախագահը համակարգում է պետական մարմինների գործունեությունը պաշտպանության բնագավառում, նշանակում և ազատում է զինված ուժերի և այլ զորքերի բարձրագույն հրամանատարական կազմը:

Հանրապետության Նախագահն անձեռնմխելի է:
Հանրապետության Նախագահն իր լիազորությունների ժամկետում և դրանից հետո չի կարող հետապնդվել և պատասխանատվության ենթարկվել իր կարգավիճակից բխող գործողությունների համար: Իր կարգավիճակի հետ չկապված գործողությունների համար Հայաստանի Նախագահը կարող է պատասխանատվության ենթարկվել իր լիազորությունների ավարտից հետո: Նախագահը կարող է պաշտոնանկ արվել պետական դավաճանության կամ այլ ծանր հանցագործության համար:

ՀՀ Նախագահը (2)

Հանրապետության նախագահն ընտրվում է ՀՀ քաղաքացիների կողմից 5 տարի ժամետոյով, ընդ որում, նույն անձը չի կարող **երկու** անգամից ավել **անընդմեջ** ընտրվել Հանրապետության նախագահի պաշտոնում:

ՀՀ նախագահը՝

- ստորագրում և հրապարակում է ԱԺ ընդունած օրենքները ստանալուց հետո քանմեկօրյա ժամկետում,
- վարչապետ է նշանակում ԱԺ պատգամավորների մեծամասնության վստահությունը վայելող անձին (եթե հնարավոր չէ՝ առավել թվով պատգամավորների վստահությունը վայելող անձին),
- Վարչապետի առաջարկությամբ նշանակում և ազատում է Կառավարության անդամներին,
- կազմավորում է ազգային անվտանգության խորհուրդ և նախագահում այն, կարող է կազմավորել խորհրդակցական այլ մարմիններ,

ՀՀ Նախագահը (3)

- ԱԺ է առաջարկում գլխավոր դատախազի, կենտրոնական բանկի նախագահի և վերահսկիչ պալատի նախագահի թեկնածությունները,
- Ներկայացնում է Հայաստանի Հանրապետությունը միջազգային հարաբերություններում, իրականացնում է արտաքին քաղաքականության ընդհանուր դեկավարումը, կնքում է միջազգային պայմանագրեր,
- ԱԺ-ի վավերացմանն է ներկայացնում միջազգային պայմանագրեր և ստորագրում դրանց վավերագրերը, հաստատում, կասեցնում կամ չեղյալ է հայտարարում վավերացում չպահանջող միջազգային պայմանագրերը,
- Նշանակում և հետ է կանչում օտարերկրյա պետություններում և միջազգային կազմակերպություններին առընթեր ՀՀ դիվանագիտական ներկայացուցիչների:

Ազգային ժողով

Հայաստանի Հանրապետությունում օրենսդիր իշխանությունն
իրականացնում է Ազգային ժողովը:
ԱԺ-ն բաղկացած է 131 պատգամավորից և ընտրվում է հինգ տարի
ժամկետով:

Ազգային ժողովի ընտրություններն անցկացվում են
համամասնական և մեծամասնական ընտրակարգով: 75
պատգամավոր ընտրվում է համամասնական
ընտրակարգով, իսկ 56 պատգամավոր՝ մեծամասնական
ընտրակարգով:

Պատգամավորն իր պատգամավորության լիազորու-
թյունների ժամկետում և դրանից հետո չի կարող
հետապնդվել և պատասխանատվության ենթարկվել
պատգամավորի՝ իր կարգավիճակից բխող
գործողությունների համար:

Ազգային ժողովի մարմինները

ԱԺ նախագահը



ընտրվում է ԱԺ պատգամավորների կողմից գաղտնի քվեարկությամբ

ընտրվում են ԱԺ պատգամավորների կողմից գաղտնի քվեարկությամբ



ԱԺ նախագահի տեղակալները

ԱԺ պատգամավորները



ընտրվում են համամասնական և մեծամասնական ընտրակարգով

մշտական և ժամանակավոր հանձնաժողովները

Դատական իշխանություն

Սահմանադրությամբ և օրենքով սահմանված կարգով ձևավորվում և գործում է արդարադատության խորհուրդը:

Հայաստանի Հանրապետությունում արդարադատությունն իրականացնում են ընդհանուր իրավասության **առաջին ատյանի, վերաքննիչ դատարանները և վճռաբեկ դատարանը՝ ՀՀ բարձրագույն դատական ատյանը** (բացի սահմանադրական արդարադատության հարցերից), իսկ օրենքով նախատեսված դեպքերում՝ նաև մասնագիտացված դատարանները:

Առաջին ատյանի, վերաքննիչ, վճռաբեկ և մասնագիտացված դատարանների նախագահին նշանակում է ՀՀ նախագահը արդարադատության խորհրդի առաջարկությամբ:

Դատական իշխանություն (2)

**Սահմանադրական արդարադատությունն
իրականացնում է Սահմանադրական դատարանը:**

**Սահմանադրական դատարանի նախագահին
նշանակում է ազգային ժողովը սահմանադրական
դատարանի կազմից:**

**Սահմանադրական դատարանը բաղկացած է 9
անդամից, որից 5-ը նշանակվում են ազգային
ժողովի և 4-ը՝ ՀՀ նախագահի կողմից:**

Դատական իշխանություն (2)

ՀՀ դատախազությունը միասնական համակարգ է, որը
ղեկավարում է գլխավոր դատախազը:

Գլխավոր դատախազին ՀՀ նախագահի առաջարկությամբ
նշանակում է ազգային ժողովը:

Դատախազությունն օրենքով նախատեսված դեպքերում և
կարգով՝

- հարուցում է քրեական հետապնդում
- հսկողություն է իրականացնում հետաքննության և նախաքննության օրինականության նկատմամբ
- դատարանում պաշտպանում է մեղադրանքը
- պետական շահերի պաշտպանության հայց է հարուցում դատարան
- բողոքարկում է դատարանների վճիռները, դատավճիռները և որոշումները
- հսկողություն է իրականացնում պատիժների և հարկադրանքի այլ միջոցների կիրառման օրինականության նկատմամբ: